



UNIVERSITÄTS-  
BIBLIOTHEK  
PADERBORN

## **Institutiones Canonicæ**

**Schnorrenberg, Anno**

**Coloniae, 1740**

Titulus XX. De Confeßione, Prima probationum Specie.

---

[urn:nbn:de:hbz:466:1-62040](#)

judicij acta à Notario , aut illo deficiente , à duobus viris idoneis conscribantur , ut ita in judiciis fides locum habeat , & ne propter assertionem iniqui Judicis innocens litigator lèdatur , copia actorum partibus communicanda est , Prothocollo penes Judicem remanente . *Cap. quoniam. 11. b. t.* Si causa ad alium Judicem devolvatur , acta prioris judicij ad eum sunt remittenda . *Cap. fin. b. t.*

*Quæres nonū.* Qualis debet esse probatio ?

*R.* Debet esse *primò* de articulo pertinente secundùm formam libelli . *Secondò* plena , certa , & necessariò concludens : nam probatio obscura non relevat probantem . Est exemplum in *cap. in presentia. 8. b. t.*

*Quæres decimò.* Quando facienda probatio ?

*R.* Post litem contestatam : quia **Actor** , quid probare debeat , ante scire

non potest . Deinde ante conclusionem in causa fieri debet ; quia postmodum super iisdem articulis nulla admittitur probatio , *cap. juravit. 6. b. t.*

*Quæres undecimò.* Quis plenæ probationis effectus ?

*R.* Judex juxta illam sententiam ferre debet : alias litem facit suam , & omne quod litigatoris interest , ab eo restituendum .

*Quæres duodecimò.* Quis semiplena probationis effectus ?

*R.* Quamvis semiplena probatio ad sententiam ferendam sufficere non possit , nisi plures tales semiplena probationes , quæ unam integrum facerent , super iisdem articulis concurrent : at tamen ea est semiplena vis probationis , ut Judex parti adversæ juramentum deferre , aut in illam onus probandi transferre , vel purgationem canoniam injungere , vel demum torturæ subjicere valeat .

## T I T U L U S XX.

D E

### C O N F E S S I O N E

#### *Prima Probationum Specie.*

**A**dagium Juris est : Propria confessio optima probatio . De qua ,

**Q**uæres *primò.* Quid & quotuplex confessio ?

*R.* *1mò.* Est illius , quod ab Adversario intenditur , asseveratio . *2dò.* Divi-

ditur in discretam & indiscretam . Discreta fit cum causæ , de qua orta est obligatio , expressione : indiscreta fit tantum genericè , absque causæ expressione , ut si quis se *100* Imperiales debeat confiteatur , tacito contractu , ex quo debeat .



debeat. Alia iterum confessio est simplex, alia qualificata. Simplex est, quando quis absque ullo addito ad intentiōnem adversarii responder & confiteretur: qualificata est, quando quis adiectā aliquā qualitate vel conditione confiteretur: ut reus fateretur se Perrum occidisse, sed causā necessariae defensionis servato moderamine inculpatæ tutelæ. *3rid.* Alia est tacita alia expressa. Expressa sit verbis, signis, aut scripturā voluntatem declarantibus: tacita ex certo facto elicetur, vel à lege intervenisse fingitur. *4to.* Rursus alia judicialis, alia extrajudicialis. Judicialis est manifestatio proprii actus coram competente Judice facta: extrajudicialis est proprii actus extra judicium præsente alio manifestatio.

Quæres secundū. Quæ persona judicialiter confiteri potest?

R. Ad confessionem judicialem requiritur, ut ab homine sanæ mentis & majorenni facta sit; si enim minorenis contra seipsum confessus fuerit, non sibi præjudicat. *L. certum. 6. §. in pupilla. ff. de Confess.* Et quidem si infans etiam accidente tutoris autoritate confessio est nulla: quia negotium, de quo interrogatur, intelligere non censetur. Si major infante, non valet absque autoritate tutoris facta confessio: quia sine hac pupillus se se obligare nequit; cum autoritate tutoris facta valet quidem confessio, sed læso datur beneficium restitutionis in integrum.

Quæres tertiu. De quo facto confessio judicialis esse debet?

R. Debet esse *imd.* De facto secundum naturam possibili; quare nulla est

confessio, si ætate Senior se Filium fateatur esse natuminoris, si impubes adulterium confiteatur. *Arg. cap. quod sedem. 2. de frigid. & malef. Gloss. in cap. fin. de Confess. V. confessus.* Inde est, quod in criminalibus, ubi crimen relinquit vestigium, nunquam ad executionem procedatur, quantumcunque reus sit confessus vel convictus, nisi prius de corpore delicti constet. Ut Petrus se hominem occidisse fateretur, prius de cadavere inquiritur. Titius furtum à se in tali loco factum confiteretur, prius inquirendum, an reverā tale furtum in tali loco, sicut afferitur, fuerit commissum.

*2dō.* Debet esse de facto, quod non sit contra jus. Hinc confessio non nocet, si quis juramentum de re intrinsecè mala fateatur. *Cap. quantū. 18. de jurand.* Si Christianus se cum Judæa, vel consanguineus cum consanguinea matrimonium contraxisse fateatur. *Can. cave Christiane. 15. caus. 28. q. 1. cap. 1. de Consanguinit.* *3rid.* Debet esse de facto, quod in questionem venit: ideoque si Actor positiones impertinentes ponat, reus ad illa respondere non tenetur, sed à Judice tanquam irrelevantes ex officio sunt rejiciendæ. In dubio, an positio ad rem faciat, an non, admittenda est cum clausula: *Salvo jure impertinentium.* Cujus clausulæ hic efficiuntur, quod si ex post appareat positio nē impertinentem, eo ipso pro reiecta habeatur, & confessio non præjudicet.

Quæres quartū. Quā forma debet fieri judicialis confessio?

R. Do-



R. Debet esse 1<sup>mo</sup>. Spontanea & libera, non vi, metu, vel fraude extorta : *Can. si quandoque. 1. caus. 15. q. 6.* Unde ex propria confessione in tortura facta nemo condemnatur ; sed si reus in tortura crimen confessus, altero die extra tormentorum conspectum de criminis interrogatur, & tunc in confessione perseveret, pro confessio habetur. 2<sup>do</sup>. Coram Judice competente fieri debet ; facta siquidem coram Judice incompetente habetur pro extrajudiciali, quæ plenè non probat. *Cap. eti Clerici. 4. de judic.* Ideoque Clericus coram Judice seculari crimen confessus nequidem à proprio Judice velut confessus judicari potest. Confessio coram Arbitro facta, si is secundum ordinem juris procedat, pro judiciali habenda est. 3<sup>ti</sup>. Præsente adversario vel ejus Procuratore, saltē de Jure Civili facienda est.

Quæres quintū. An confessio judicialis revocari possit ?

R. Vel est facta per ipsam partem, vel per ejus Procuratorem : si facta per ipsam partem, in continentis revocari potest : non enim pro confessio est habendum, quod, qui dixit, statim revocat. Ex intervallo quoque revocari valet, si probetur, quod ex errore facta fuerit ; non enim fatetur, qui errat, nisi jus ignoraverit. *L. 2. ff. de Confess.* Si facta sit per Procuratorem, antequam conclusum in causa, confessio per Principalem revocari potest. Est exemplum in *cap. fin. b. t.*

Quæres sextū. Quid si incidenter reus confiteatur ?

R. Vel illud, quod confitetur, ad causam facit principalem : ut testis confitetur crimen ipsi objectum, ut à testimonio repellatur : & tunc Judex instituto novo processu in criminosum inquirere debet, confessionem ejus de criminis commissione incidenter factam producendo, ut eam denud confirmet. Casus est in *cap. cum super. 2. b. t.*

Quæres septimū. Qualiter in judicio confessio rei elicienda ?

R. Modus judicialem confessionem à reo eliciendi est hic : Actor factum ex, quo jus suum oritur, Judici per particulares propositiones proponit : ut in exemplo : Actor conveniens reum actione ex mutuo ponit : Verum est 1<sup>mo</sup>, quod reus ad me venerit, & mutuum petierit. Verum est 2<sup>do</sup>, quod consuetam pensionem solvere sit stipulatus. Verum est 3<sup>ti</sup>, quod illa die mutuum à me acceperit. Verum est quartū, quod intra biennium nihil solverit. Propositiones illæ vocantur articuli positionales, & libellus, in quo continentur, dicitur articulatus. Hos articulos Actor offert Judici petens admitti ad juramentum dandorum, simulque rogans, ut reo juramentum imponatur, quod desuper interrogatus veritatem dicere velit ; quod appellatur juramentum respondendorum. Præstito hoc juramento reus super articulis exhibitis examinatur, ejusque responsio ad singulos articulos Prothocollo inseritur & Actori communicatur : qui ad articulos proprium factum continentis affirmativè vel negativè respondere debet. Si factum alienum contineant, cuius probabilis

bilis potest esse ignorantia, sufficit, si reus dicat: *Credo*. Si reus respondere recusat, omnes articuli pro confessis habentur, id est: perinde censetur, ac si reus illos affirmasset. *Cap. si post præstum. 2. h. t. in 6.*

Quæres octavò. An positio super factum negativo, quæ non nisi per rei confessionem probari potest, à Judice admittenda, & reus, ut respondeat, obligandus sit?

R. Actor ex suo libello reo qualdam proponit positiones, ad quas mediante juramento affirmando vel negando, ut plurimum per verbum, credit, aut non credit, respondere tenetur. *Clement. 2. de V. 8. junct. cap. dudum. 54. de Elec.* Inter has positiones etiam negativas ponere potest juxta *cap. 1. de b. t. in 6. v.g.* reus beneficiatus super pluralitate beneficiorum convenitur: Actor has ponit positiones: 1<sup>mo</sup>. Verum est, quod reus habeat duo beneficia personalem residentiam exigentia. 2<sup>do</sup>. Quod super incompatibilitate horum beneficiorum Apostolicam non obtineat dispensationem. Ad hanc positionem negativam reus respondere obligatus, & si respondeat affirmativè Actor illam probare non tenebitur: SI negativè, Judex reum compellere potest, ut proberet, quod negavit.

Quæres nond. Quis confessionis judicialis effectus?

R. 1<sup>mo</sup>. Si confessio judicialis contra confidentem non sit, nihil probat. Si enim quis aliquid pro se afferat, non creditur, nisi probet. *Can. nullus. 2. caus. 4. q. 4.* Imò si contra confidentem in præjudicium sit Reipubl. plenam fidem

*R.D. Schnorrenberg Instit. J. Can.*

non facit. Ut: Judex in furtum inquirit, & Dominus rei ablatae in gratiam furis se non fuisse invitum confitetur; tali confessioni non creditur, nisi alia concurrentia indicia. Sicut enim inter privatos unius confessio alteri non præjudicat, ita nec Reipublicæ, cujus interest, delicta non manere impunita.

2<sup>do</sup>. Si reus per verbum: *Credo*, confiteatur contra se, Actor ab onere probandi elevatur, & articulum talem tanquam verum supponit: Quia quando agitur de præjudicio confidentis, æquè præjudicat confessio de credulitate, quam de veritate.

3<sup>to</sup>. Confessio judicialis de veritate vim probationis haberet, ita quidem ut omnes probationes supereret, soli autem confidenti noceat. *Cap. 1. de Confess. cap. veniens. 10. cap. personas. 20. de testib.*

4<sup>to</sup>. Confessio judicialis facit notorium juris. *Cap. Vestra. 7. de cohabit. Cleric. & mul.* Ideoque appellationem excludit. *Cap. pervenit. 13. cap. consuluit. 14. de Appell.* Imò in causis civilibus confessus pro judicato habetur; & quamvis post conclusionem in causa nullæ admittantur probationes: attamen hæc probatio per partis confessionem admittitur, & ex illa sententia definitiva formari potest, non obstante quod aliás forte ob non servatum juris ordinem invalidus fuerit processus.

Quæres decimò. Quis confessionis extrajudicialis effectus?

R. Si confessio extrajudicialis parte adversa præsente facta, & per duos integræ fidei testes probata cum speciali causæ expressione: ut: Confiteor quod

X x x tibi



tibi 100. ex mutuo debeam ; plenam contra confitentem facit probationem : parte verò absente , aut absque specia- li causæ expressione facta vel nihil , vel solū semiplenè probat. Colligitur ex cap. si cautio. 14. de fide instrumentor. Deinde in causis criminalibus confessio extrajudicialis est sufficiens ad torturam indicium. Sumitur ex cap. olim. 25. de Rescript. Regulariter tamen non sufficit ad tertii complicis torturam.

Quæres undeimd. Qualiter probat confessio extrajudicialis facta in testa- mento ?

v. Confessio à testatore in gravi morbo facta plenè probat, sive ad obligandum , sive ad liberandum tendat , in quantum nempe in confitentis est præjudicium, dummodo ante mortem non fuerit revocata. Ut : si testator se Tito debere centum , aut centum im- prialis sibi debitós à Cajo esse solutos fa- teatur. Quilibet enim in mortis articulo existens nihil temerè afferere in sui præjudicium, aut salutis æternæ imme- morem esse præsumitur. Si tamen talis confessio in favorem confitentis esset , plenam probationem non facheret,

Quæres duodecimd. Quid operatur Complicis sociique in crimino con- fessio ?

v. imd. Si Socii sint occulti, contra quos nulla infamia vel indicia præcesserunt , judex reum judicialiter confessum generaliter de complicibus interrogare non potest. Can. fin cauf. 15. q. 3. & cap. 1. h. r. Et confessus crimen eo ipso est infamis & dubiæ fidei, qui à testimonio repellitur. Cap. testimonium. 54. de testib.

Excipe : Nisi sit confessus 1mō. Crimen exceptum , ut Læsa Majestatis , hæresis &c. 2. Quod est difficilis probationis, de quo nonnisi per Socios constare po- test : 3. Quod sine Sociis fieri non po- test , de quo , quod plures concurre- rent , ex actis vel informatione con- stat : demum quod non merè prete- ritum , ita , ut subsit periculum de fu- turo cum Reipubl. & innocentum de- trimento.

2dō. Si reus ad interrogationem Ju- dicis absque præcedenti infamia vel in- diçis factam complices in crimen non excepto confessus fuerit , ex hac con- fessione Judex specialem in detectos complices inquisitionem facere non po- test ; quia sicut interrogatio fuit ille- galis , ita etiam responſio. Attamen si reus complices sponte denuntiet, ta- lis denuntiatio ad specialem sufficit in- quisitionem , modò taliter fiat, ut con- fessio aliquod patrati criminis probare valeat indicium.

3tīd. Si reus criminis excepti Socios confiteatur , & Sociorum detectio aliis verisimilibus sit adminiculata indicis, Judex ulterius in detectos inquirere, si- ve alias probationes super crimen dete- cto assumere potest. Si verò nihil aliud, quam nuda rei de se crimen fassi habe- tur confessio, ad inquisitionem speciale- lem procedi nequit : quia jus naturale & gentium dicitat , nullam fidem accu- satori ulli in alterius præjudicium adhi- bendam, nisi verisimile criminis aut præ- sumptionis adferat indicium ; ne culi- bet, maximè tam vilibus & criminosis personis, calumniandi pasim detur oc- casio.

TIT U-

